

中國方志叢書·華北地方·第五四一號


據

明嘉靖二十六年刊本
明呂枏纂修

影印

陝西 省

高陵縣志



成文出版社有限公司印行



10107862

中華民國六十五年

月壹一版

高陵縣志

全冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

高陵縣志序

高陵古雍豫分州之地爲都尉治所爲馮翊
皆邑爲神臯涇渭所經灃治清濁趙氏濟沮
七水之所會也舊有志十餘葉弗傳未成書
也弘治庚戌邑人太守劉公嘗修之又弗傳
亦未成書也辛酉吾友澄堅呂子膺興於鄉
始更創志州後又第爲太史氏志成又歷三
十載而後出時則由大司成爲少宗伯全其

志爲帙二爲卷七爲目次十卷二首地理者
志封域也及渠堰者盡力乎溝洫之舊也管
雖田爲上且稱陸海者此也今誠舉鍾而雲
決渠而雨則澤民富國不在天而在人不
古而在今矣次建置及舊署者志裁革而賦
如故也蓋嘗有丞簿矣今裁之胥驛遞矣今
裁之有他鄉里矣今裁之然乃小而任日重
者不可減站亭而濟他邑者不可復志之憫

人窮也蓋有拯援之心焉次祠廟寺觀而別
先後者辨邪正也亦不得已之意也蓋謂經
正民興則邪慝自無今奈之何哉次戶租
產者著小民所以養君子也歷數述者百五
庚績之所關也蓋元有授時歷高陵之賢實
將之故不得而畧也次禮俗抄略者著盛禮
也興禮行則信斯美矣次職官者有政典在
焉孔子之所學弗可忘也官師而傳及君庶

者詳也及馮翊之守者以惠化在是幾於三
衢高耳志人物而及節婦科貢恩蔭者淫聖
子言之詳矣志即宅陵墓者昭往以示諸來
也彼又陵豪傑之第即高王侯之墓并不修
而名不稱者皆州木同腐爾矣孰得而志之
故昭往以示諸來者志陵墓而及羗豆者春
禾謹微之義也是皆善政之舊而寓乎醇儒
之道焉非淫聖子其孰能辨之皆嘉靖庚子

冬徐令至令公嗣庶威明率辛丑令而行禁
而止矣乃問志子涇聖子刊而行焉夫有高
陵以來經二十年矣至涇聖子而志成由弘
治辛酉以來四十有一年矣至徐令而志行
君子謂是志待人而後成待心而後行也信
哉涇聖子夫心之所和也徐令名效賢字宗
義號凡五四川江津人由舉人先任蒲城教
諭後陞於是焉

賜進士出身中大夫光祿寺卿谿田居士馬理撰

高陵縣志跋

弘治庚戌秋邑庠司訓西蜀夾江翟公宗器先生
一日過余家曰高陵志歷年旣久不惟失之太簡
抑且魯魚亥豕以訛傳焉馬達達之不辨觀者病
之敢乞詳加修飾以便觀覽庶成一段之美事也
予固辭弗獲謹按舊志廣詢博訪質諸故老攷諸
史傳訂訛去僞拾遺補闕越三月蒐輯成編其所
編事宜見諸凡例茲不復贅爰命小兒時蘭庠生
蕭昂繕寫裝潢成帙以俟後之立言君子載加採

擇焉是禋冬十月

賜進士第中憲大夫前直隸永平知府邑人劉傑
跋

刻高陵縣志序

此涇野呂公所爲高陵志也君子于是志之行也
載尊之猶古訓然何也古彛教之陳先實後文蓋
由腹心之腴而啗諸膚理其猷爲風化不可尚已
涇野公之爲是志也以之其諸異乎人之志與凡
我同方之士若徒玩心于其章美之炳蔚而忘有
事于敦本務實意或罔誠心或罔正頑弗誠廉懦
弗誠立焉殊無得于涇野公之志終亦古之棄也
有志于服古教化者敬之哉

嘉靖辛丑歲除日後學徐效賢頓首拜書

高陵縣志序

高陵志作者少崇伯邑人涇野呂公刻之者邑令
西蜀徐效賢也刻成謂予故高陵人先坐任焉宜
爲序志凡七卷凡十有四則其言約而盡其事核
而彰其議論允而確太史氏筆也其作志之良槩
乎夫鄉無名賢則文獻不興邑乏善令則政教不
立高陵西安之望邑也其產于斯者有若干元公
之恭儉仁愛有若楊轉運之浮雲興利有若楊文
康之特立獨行有若朱先生之仁孝禮義迄于今

則有若涇野公賢聖自期聞道有得予嘗推之以爲今之伊川云其令于斯者修舉政教役志養民亦惟有若劉仁師亦惟有若神師道亦惟有若張翱亦惟有若張琦亦惟有若朱璜乃迄今有徐子焉公廉愷悌儼古循良其殆庶幾乎夫鄉人者鄉人之師也鄉有賢而罔師焉無志之士也前人者後人之鑒也前有善令而背焉以逞賊民之吏也然則高陵後進之英與夫嗣徐子而令者可不知所從事哉可不知所從事哉

嘉靖辛丑冬十有一月丁未鄠杜王九思序

高陵縣志序

夫志者志其實非以飾輪轡而爲虛事也故志於
一邑一隅而貽於天下後世苟事或隔礙則疑信
相傳人將指摘併其名賢實跡而且詭譎何以志
爲高陵舊無志但有抄本率多缺遺漫無統紀不
足以信今而傳後識者惜之太史呂涇野公撰志
成編矣我徐侯將蒞諸梓命予序於末簡三讀其
志首地理附以渠堰欲其知王政以民食爲先也
次建置欲其知因革以思古慮今也祠廟寺觀崇